

Xizmatlar sohasining rivojlanishi

RAQAMLAR:


- 2019-yil yanvar-oktabr oylarida bozor xizmatlari hajmi 4639,7 mlrd. so'mni tashkil etdi.
- Moliyaviy xizmatlarning o'sish sur'ati 162,6 % ni tashkil etdi.
- Aholi jon boshiga xizmatlar hajmi 2513,4 ming so'mni tashkil etdi.

Innovatsion xizmatlarni joriy etish va an'anaviy xizmatlar sifatini oshirish bo'yicha maqsadli kompleks chora-tadbirlarni amalga oshirilishi mamlakat iqtisodiyotida xizmatlar sohasining ulushining oshishiga olib keladi.


2019-yil yanvar-oktabr oylarida dastlabki ma'lumotlarga ko'ra ko'rsatilgan xizmatlar hajmi 4639,7 mlrd. so'mga teng bo'ldi. O'tgan yilning mos davriga nisbatan o'sish sur'ati 114,0 %ni tashkil etdi.

Ko'rsatilgan xizmatlar umumiy hajmida eng katta ulushni savdo (27,9 %) va transport (24,9 %) xizmatlari tashkil etadi.

2019-yil yanvar-oktabr oylarida xizmatlar tarkibi (jami hajmga nisbatan), %



2019-yil yanvar-oktabr oylarida ayrim xizmat turlari hajmining taqqoslanishi, mlrd. so'm




Joriy yilning yanvar- oktabr oylarida o'tgan yilning yanvar- oktabr oylariga nisbatan ko'rsatilgan bozor xizmatlari hajmining o'sishiga moliyaviy xizmatlar (317,1 mlrd. so'mga), savdo xizmatlari (241,3 mlrd. so'mga) va transport xizmatlari (142,3 mlrd. so'mga) hajmining oshishi asosiy omillardan biri hisoblanadi.

**2019-yil yanvar- oktabr oylarida ishlab chiqarilgan
xizmatlarning asosiy ko'rsatkichlari**

	Hajmi, mrd. so'm	O'tgan yilga nisbatan o'sish sur'ati, %
Xizmatlar - jami	4639,7	114,0
shu jumladan:		
aloqa va axborotlashtirish xizmatlari	246,6	109,6
moliyaviy xizmatlar	780,5	162,6
transport xizmatlari	1 156,2	103,4
shu jumladan: avtotransport xizmatlari	1 101,4	102,1
yashash va ovqatlanish xizmatlari	108,7	112,7
savdo xizmatlari	1 293,7	107,9
ko'chmas mulk bilan bog'liq xizmatlar	142,3	101,5
ta'lim sohasidagi xizmatlar	227,2	123,2
sog'liqni saqlash sohasidagi xizmatlar	81,0	106,9
ijara xizmatlari	104,0	103,3
kompyuterlar va ma'ishiy tovarlarni ta'mirlash bo'yicha xizmatlar	162,2	105,1
shaxsiy xizmatlar	146,4	100,7
me'morchilik, muhandislik izlanishlari, texnik sinovlar va tahlil sohasidagi xizmatlar	64,0	100,5
boshqa xizmatlar	126,9	125,4


Zamonaviy innovatsion texnologiyalardan foydalanish, aholining ta'lim va madaniy darajasini oshirish, ko'rsatilayotgan xizmatlar doirasini kengaytirishga yordam beradi.

**2019-yil yanvar- oktabr oylarida
bozor xizmatlarining o'sish sur'ati, %**



2019-yil yanvar-oktabr oylarida o'tgan yilning mos davriga nisbatan moliyaviy xizmatlar (162,6 %), boshqa xizmatlar (125,4 %) ta'lim sohasidagi xizmatlar (123,2 %), yashash va ovqatlanish xizmatlari (112,7 %) kabi xizmatlarda yuqori o'sish sur'atlari kuzatildi.

2019-yil yanvar- oktabr oylarida
iqtisodiy faoliyat turlari bo'yicha xizmatlar tarkibi, %.




Hozirgi vaqtda savdo sohasi iste'molchilarning bozor talabini shakllantirish jarayonida faol ishtirokchi hisoblanadi. Bugungi kunda savdo xizmatlari mamlakat iqtisodiyotida ko'rsatilayotgan umumiy hajmining sezilarli qismini tashkil etadi. Respublikada zamonaviy axborot texnologiyalaridan foydalangan holda chakana savdo tarmoqlari faol rivojlanmoqda.

2019-yil yanvar-oktabr oylarida savdo xizmatlari hajmi 1293,7 mlrd. so'mga teng bo'ldi. Ko'rsatilgan xizmatlar umumiy hajmidagi ulushi 27,9 % ni tashkil etdi.

O'tgan yilning shu davriga nisbatan savdo xizmatlarining hajmi 241,3 mlrd. so'mga oshdi.

2019-yil yanvar- okyabr oylarida savdo xizmatlari tarkibi, %




Savdo xizmatlari tarkibida avtomobillar va mototsikllar savdosidan tashqari chakana savdo bo'yicha xizmatlar katta salmoqqa ega bo'lib, uning ulushi 70,9 % ni tashkil etadi.

Ulgurji savdo bo'yicha xizmatlarining (avtomobillar va mototsikllar savdosidan tashqari) ulushi 22,3 % ga yetdi.

Avtomobillar va mototsikllarni ta'mirlash bo'yicha xizmatlarni qo'shgan holda avtomobillar va mototsikllar ulgurji va chakana savdosi bo'yicha xizmatlar umumiy savdo xizmatlari hajmida 6,8 % ni egallaydi.

2019-yil yanvar- oktabr oylarida transport xizmatlarining tarkibi, %




Transport xizmatlarining umumiy hajmida quruqlikdagi transport xizmatlari - 97,4 %, omborga joylashtirish xizmatlar va yordamchi transport xizmatlari – 2,1 %, pochta va qurerlik xizmatlari – 0,5 % ni tashkil etdi.

Axborot-kommunikasiya texnologiyalari (AKT) va moliya-kredit muassasalari xizmatlari tez rivojlanayotgan xizmat turlari hisoblanadi. Yangi texnologiyalarga va bozorni erkinlashtirish natijalariga tayanib, bu faoliyat turlari hozirgi vaqtda rivojlanishning yangi bosqichi sifatida paydo bo'ldi va bugungi kunda jamiyatning texnologik taraqqiyoti va iqtisodiyotning globallashtirishida hal qiluvchi ro'l o'ynaydi.

Ko'rsatilayotgan xizmatlar sifatini oshirish, AKT sohasida innovatsiyalarni joriy etish bo'yicha amalga oshirilayotgan chora-tadbirlar natijasida yangi turdagi xizmatlarning paydo bo'lishi aloqa va axborotlashtirish xizmatlari hajmini oshirishga tasir ko'rsatadi.

2019-yil yanvar-oktabr oylarida viloyat bo'yicha aloqa va axborotlashtirish xizmatlari 246,6 mlrd. so'mga teng bo'lib, o'tgan yilning shu davriga nisbatan o'sish sur'ati esa 109,6 % ni tashkil etdi. Ko'rsatilgan xizmatlar umumiy hajmidagi ulushi 5,3 % ni tashkil etdi.

2019 yil yanvar- oktabr oylarida aloqa va axborotlashtirish xizmatlari tarkibi, %




Aloqa va axborotlashtirish xizmatlari hajmida eng katta ulush (96,8 %) telekommunikasiya xizmatlari (simli va mobil aloqa xizmatlari, Internet, yo'ldosh aloqa xizmatlari va b.q.) hissasiga to'g'ri keladi.

Moliya-bank tizimini isloh qilish bo'yicha olib borilayotgan izchil chora-tadbirlar iqtisodiyotni barqaror rivojlantirish, aholi bandligini va farovonligini ta'minlashda muhim omil bo'lmoqda.

Zamonaviy bank xizmatlari ko'rsatish, jumladan "raqamli" banklar va chakana xizmatlar ko'rsatishga ixtisoslashgan bank bo'linmalarini tashkil etish uchun innovatsion bank texnologiyalarini joriy qilish, masofadan turib bank xizmatlarini ko'rsatish, to'lov tizimini yanada rivojlantirish moliyaviy xizmatlarning jadal rivojlanishiga yordam beradi.

2019-yil yanvar-oktabr oylarida moliyaviy xizmatlar hajmi 780,5 mlrd. so'mga teng bo'lib, o'tgan yilning shu davriga nisbatan o'sish sur'ati 162,6 % ni tashkil etdi.


2019-yil yanvar- oktabr oylarida moliyaviy xizmatlarning tarkibi, %



Moliyaviy xizmatlar umumiy hajmida sug'urta va nafaqa ta'minoti bo'yicha xizmatlardan tashqari moliyaviy xizmatlar (90,2 %) katta salmoqqa egadir.

Yashash va ovqatlanish bo'yicha xizmatlar hajmida oziq-ovqat va ichimliklar bilan ta'minlash bo'yicha xizmatlar 71,9 % ulush bilan etakchilik qilmoqda. Yashash bo'yicha xizmatlar ulushi 28,1 % ga to'g'ri keladi.

2019-yil yanvar– oktabr oylarida yashash va ovqatlanish bo'yicha xizmatlarining tarkibi, %




2018 - yil yanvar - oktabr oylari bilan taqqoslaganda yashash va ovqatlanish bo'yicha xizmatlar ulushining ko'payish omillaridan biri viloyatda turizm faoliyatni rivojlantirish hisoblanadi. Jahonga mashhur Xiva shahrining tarixiy yodgorliklari, zamonaviy shaharlar, O'zbekistonning betakror tabiati, noyob milliy taomlari, shuningdek, xalqimizning betakror mehmondo'stligi sayohatchilarni o'ziga jalb qiladi.

O'tgan yilning mos davriga nisbatan, yashash va ovqatlanish bo'yicha xizmatlarning o'sish sur'ati 112,7 % ni tashkil etdi.

Ta'lim sohasidagi olib borilayotgan islohatlar avvalam bor insonlar ongini va fikrlash doirasini kengaytirishga hamda ma'naviyatini yuksaltirishga yordam bermoqda.

2019 - yil yanvar-oktabr oylarida ta'lim sohasidagi xizmatlar hajmi 227,2 mlrd. so'mga teng bo'ldi. Ko'rsatilgan xizmatlar umumiy hajmidagi ulushi 4,9 % ni tashkil etdi.


Ta'lim sohasidagi xizmatlar hajmi va o'sish sur'atlarining taqqoslanishi



O'tgan yilning yanvar-oktabr oylari bilan taqqoslaganda ta'lim sohasidagi xizmatlarning hajmi 82,5 mlrd. so'mga oshdi.

Xorazm viloyatida aholi jon boshiga ko'rsatilgan bozor xizmatlar hajmining har oyda o'sishi kuzatilmoqda. Aholi jon boshiga ko'rsatilgan bozor xizmatlar hajmi 2018-yil yanvar-oktabr oylariga nisbatan 487,1 ming so'mga oshib, 2513,4 ming so'mga teng bo'ldi. O'sish sur'ati 112,1 % qayd etildi.

2019-yil yanvar- oktabr oylarida viloyat bo'yicha aholi jon boshiga ko'rsatkichlar



Xizmatlar sohasini rivojlantirish ijtimoiy yo'naltirilgan bozor iqtisodiyotini shakllantirish uchun eng muhim shartlardan biri hisoblanadi. Mamlakatimizda amalga oshirilayotgan bozor islohotlarining ijobiy natijalari xizmatlar sohasini yanada rivojlantirish, jamiyatni rivojlantirishning eng muhim ijtimoiy-iqtisodiy vazifalarini hal etishda uning rolini oshirish bilan uzviy bog'liqdir.

*Xorazm viloyati statistika boshqarmasi
Xizmatlar sohasi statistikasi bo'limi*

Mas'ul: U.Bardiyev